

# Шунмгъагъар кӧдлджанӕ

Сарпинск района селӕнӕ эдл-ахун коллективс намрар газр хагъыллгъна болн мал үвлзүүлгънд белдлгънӕ кӧдлмшӕн үзмджтагъар тӧгскхин тӧлӕ социалистическ дӧрлдӕ делгрүлдж шунмгъагъар кӧдлджӕцхӕнӕ.

Ильичин нертӕ колхозин механизатормуд зябъ хагъыллгъ районд түрүн болдж кӱцӕцхӕв. Тер кӧдлмшт ӧдр болгън «ДТ—54» гидр 18 трактормуд кӧдлв. Зурагъар 5500 гектар газрт зябъ хагълх бӕӕсн болхла, ахр цагин ӕргцд 5600 гектар газрт зябъ хагълв. Трактористнр Нестеров, Захаров ӧдр болгън 11,5—12 гектар газр хагълджӕцхав.

«Сарпинский» совхозин механизатормуд ӕн джил зябъд 16650 гектар газр хагълх зӧвтӕ. Түрүн авгтан тер совхозд зябъ хагъыллгън хашнӕгар кӱцӕгджӕлӕ. Механизатормудин

урмдинь ӧӧдлүлхин тӧлӕ совхозин гардвр партийн болн профсоюзн организацс долан хонгин ӕргцд юӱс-дундур ӧдрӕ зура кӱцӕсн трактористнр мӧрӕлдг диг-дара батлв. Трактористнр Рубанов, Бауев, Махалетов, Калин ӧдртӕн кӱс-дундур зура зябъ хагъыллгънд кӱцӕджӕцхӕнӕ.

Алдр Октябрин 42 джилин ӧӧн уктдж. социалистическ дӧрлдӕ делгрүлӕд, тер совхозин механизатормуд зябъ хагъыллгъ ноябрин тавн кӱртл чилӕхӕр ӧӧдӕн даалгъвр авцхав. Ода тедн ӧдрӕ зурагъан 150—206 процент кӱцӕджӕцхӕнӕ. «Гигант» колхоз 9200 гектар, «Степной» совхоз 1500 гектар газрт зябъ хагълчкв.

Района механизатормуд зябъ хагъыллгъ ноябрин тавн кӱртл чилӕхӕр шунджӕцхана.

В. ЮРЧЕНКО.